



## MEMORIA XUSTIFICATIVA E ECONÓMICA PARA A SUSCRIPCIÓN DUN CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E AEGU (AEGU) PARA O FOMENTO DA COOPERACION ENTRE EMPRESARIOS DE ORIXE GALEGA DE URUGUAI E EMPRESARIOS GALEGOS DE GALICIA

### **Primeiro.- Antecedentes**

A Asociación de Empresarios Galegos do Uruguai (AEGU) presentou ao Instituto Galego de Promoción Económica (IGAPE) unha solicitude formal para a sinatura dun convenio de colaboración dirixido a impulsar a cooperación entre o tecido empresarial galego asentado no Uruguai e o de Galicia. A proposta resulta de interese para o IGAPE ao estar aliñada cos seus obxectivos estratéxicos de reforzar a conexión empresarial co exterior, fomentar redes de cooperación e consolidar os vínculos económicos coa diáspora galega.

### **Segundo.- Necesidade, oportunidade e obxectivos perseguidos polo convenio**

O Plan Estratéxico de Galicia 2022-2030 recolle no Eixo 3:

PA 3.3 IMPULSAR O CRECEMENTO E COMPETITIVIDADE DAS PEMES, A TRANSICIÓN INDUSTRIAL E O EMPRENDEMENTO.

3.3.1 Impulsar a creación de novas empresas, a consolidación e crecemento das existentes, a súa internacionalización e fomentar decididamente o espírito emprendedor. Garantir o cumprimento das condicións de seguridade das instalacións no que atinxe á seguridade industrial e de equipamentos industriais e a defensa das persoas consumidoras e usuarias, protexendo a seguridade, a saúde e os seus lexítimos intereses económicos.

Dentro das necesidades que atopamos neste punto está a de “incrementar a cooperación empresarial como elemento de crecemento das empresas, que incremente á súa vez a competitividade e a actividade económica”.

Polo tanto, considérase oportuno impulsar esta iniciativa, como primeiro paso para establecer un marco estable de colaboración que contribúa a fortalecer e intensificar as relacións entre os empresarios galegos asentados no Uruguai e os de Galicia.

O obxectivo do convenio é reforzar os vínculos, negocios e alianzas destes colectivos mediante o desenvolvemento de accións de información e detección de oportunidades de negocio entre os seus membros e asociados, o establecemento de alianzas comerciais, tecnolóxicas e profesionais, así como a promoción de investimentos individuais ou conxuntos en Galicia.

### **Terceiro.- Xustificación da utilización da figura do convenio**

Xustifícase o uso da figura do convenio polo feito de que AEGU é a única entidade que representa de maneira colectiva os intereses multisectoriais dos empresarios galegos nese país.



#### **Cuarto.- Obxecto e contido**

O convenio ten por obxecto regular a colaboración entre o IGAPE e AEGU, para o fomento da cooperación entre empresarios galegos de Galicia e empresarios orixe galega de Uruguai co obxectivo de fortalecer os negocios e alianzas deste colectivo, establecendo as bases que permitan a realización das seguintes accións a o longo do ano 2025:

##### **1. Novo Talento Emprendedor**

Programa de formación desenvolvido en colaboración co Centro de Innovación e Emprendemento (CIE) da Universidade ORT Uruguai, co obxectivo de promover iniciativas emprendedoras lideradas por descendentes de galegos en Uruguai. Esta iniciativa busca achegarse ás novas xeracións e apoiar a transformación das súas ideas en proxectos sostibles que xeren emprego e impulsen novas oportunidades de investimento.

Como peche do programa, os participantes gañadores terán a oportunidade de realizar unha experiencia en Galicia, durante a cal percorreren un tramo do Camiño de Santiago e se vincularán con representantes do ecosistema emprendedor local, promovendo o intercambio formativo, a cooperación e a creación de redes de contacto.

##### **2. Cambio de marca**

O logotipo de AEGU data da fundación da asociación, hai 35 anos. Nun proceso de modernización e fortalecemento da identidade institucional, propónse a actualización da imaxe da organización e o cambio de denominación de AEGU a EGU (Empresarios Galegos do Uruguai).

Ao mesmo tempo, esta modificación axudaranos a diferenciarnos foneticamente da sigla que, en Uruguai, identifica unha institución gremial de longa traxectoria no país (AEBU – Asociación de Empregados Bancarios do Uruguai).

O relanzamento da marca incluírá unha campaña de difusión en redes sociais e a organización dun evento de presentación, co obxectivo de reforzar a visibilidade da asociación, consolidar o seu posicionamento no ámbito empresarial e salientar o noso vínculo con Galicia.

##### **3. Estudo para a análise do Impacto Económico da Colectividade Galega no Uruguai**

Co obxectivo de dimensionar a relevancia e profundidade da inserción dos emprendementos de orixe galega na economía uruguiaia, tanto pola súa incidencia no PIB en termos de ingresos como pola súa capacidade de xeración de emprego, levarase a cabo unha análise dunha mostra representativa de empresas galegas establecidas no país, así como de empresas uruguaias cuxos propietarios sexan de orixe galega e/ou manteñan vínculos comerciais con Galicia.



### Quinto.- Financiamento

O orzamento estimado para a execución das accións recollidas na cláusula primeira é de trinta e tres mil euros (33.000,00 €).

As achegas respectivas planifícanse segundo segue:

	2025
IGAPE	30.000,00 €
AEGU	3.000,00 €

O Igape financiará a contía de trinta mil euros (30.000,00 €), con cargo á aplicación orzamentaria 09.A1.741A.640.0, código de proxecto 2021 00014 dos orzamentos xerais da Comunidade Autónoma Galega para o ano 2025.

AEGU contribuirá cunha achega de tres mil euros (3.000 €) para o ano 2025 cos que cofinanciará os gastos de persoal asociados á execución das actividades.

O reparto do orzamento distribúese do seguinte xeito, podendo ser aceptadas variacións nas contías previstas nas distintas partidas sempre que se compensen uns conceptos con outros:

Actividades	Custo total estimado realización acción
Novo Talento Emprendedor	26.000,00 €
Cambio de marca	1.500,00 €
Estudo para a análise do Impacto Económico da Colectividade Galega no Uruguai	2.500,00 €
Gastos de persoal	3.000,00 €

### Sexto.- Evolución con respecto ao convenio anterior

Non existen precedentes de convenios de colaboración entre o Igape e AEGU.

### Sétimo.- Xustificación e pagamento

1. O prazo de presentación da solicitude de cobramento no Igape comezará o día seguinte á finalización das accións indicadas na cláusula primeira do convenio e rematará o 15 de decembro de 2025.

2. A xustificación presentarase vía electrónica na oficina virtual do Igape na páxina <https://www.igape.gal/gl/oficinavirtual>, en particular, a través do código de procedemento PE001, achegando as copias dixitalizadas da documentación que se relacionan a continuación. AEGU responsabilizarase da veracidade dos documentos que presenten.



3. A solicitude de cobramento virá acompañada da seguinte documentación:

a) Informe/memoria xustificativa asinado e selado polo seu representante legal do cumprimento das condicións impostas neste convenio, con indicación das accións levadas a cabo, *dossier* fotográfico e resultados obtidos.

b) Certificación dos gastos, segundo o modelo do Anexo I, facendo distinción entre: gastos de persoal, gastos de subministracións e servizos e outros.

c) Certificacións expedidas polas respectivas administracións públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Xerencia do Igape realice estas consultas polos seus propios medios, segundo o anexo I.

d) Declaración responsable asinada polo representante legal con poder suficiente, doutras axudas de carácter público ou privado para os mesmos gastos obxecto deste convenio ou, se é o caso, ausencia das mesmas, segundo o anexo I.

e) Declaración responsable da titularidade da conta bancaria onde se debe realizar o pagamento, segundo o anexo I.

f) No caso de estar exento do imposto sobre o valor engadido (IVE), documentación acreditativa da mencionada exención.

h) Ademais, e para xustificar a aportación de AEGU ao presente convenio, relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas que asume, entre os que caben salientar os seguintes (segundo o modelo do anexo I):

- Gastos de persoal da AEGU.
- Pago de alugueiros da sede social da AEGU.
- Gastos de material e consumibles necesarios para o desenvolvemento das accións de AEGU.
- Gastos operativos da sede social de AEGU tales como teléfono, luz, auga, gas, etc.
- Outros gastos incorridos imputables ás obrigas que asuma a AEGU.

Todos os gastos computables deberan ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.

Será obrigatorio presentar tres orzamentos para todos aqueles gastos externos superiores a 15.000 € + IVE e xustificar a selección do provedor en caso de non ser o máis económico.



Os gastos nos que se incorra serán compatibles con outras cantidades públicas ou privadas que puidese recibir, que deberán ser declaradas nas liquidacións do convenio, e reducirían o importe total a achegar polos asinantes na mesma porcentaxe que achegan ao convenio.

Todos os gastos externos xustificadas deben axustarse a prezos de mercado, polo que podería solicitarse unha auditoría sobre os gastos xustificadas, no caso de que non exista outro patrón de público coñecemento que permita establecer o dito axuste.

En todo caso, o Igape, resérvase o dereito de solicitar toda a documentación que considere precisa en relación coa realización das actuacións obxecto deste convenio, e calquera outra que estime oportuna para a correcta xustificación do gasto e o seu pagamento.

Procederá a minoración das contribucións cando as actuacións desenvolvidas e xustificadas o abeiro deste convenio non acaden os importes dos gastos xustificables e sempre que esta minoración non supoña unha realización deficiente do proxecto.

A AEGU manterá a disposición do Igape ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación *in situ*, ben por medios propios ou mediante auditor externo.

A subdirectora de Internacionalización

Laura González-Dopeso Portela